



Deliberaziun dal preventiv 2018 a man da la RC dals 12 december 2017

La suprastanza cumünala ha surlavurà il preventiv dal quint da success e dal quint d'investiziun per l'on da gestiun 2018 ed approvà tals per l'approvaziun tras la radunanza cumünala chi ha lö in december.

Sanaziun vascas da serra Runatsch - surdatta lavurs

Per far las lavurs da sanaziun da las vascas da serra in Runatsch a Zernez sun gnüdas surdattas las lavurs a seguaintas firmas: lavurs d'impressari ad Andri Margadant, Susch.; lavurs da sanitari a Tung SA, Zernez.

Plan da svilup da god – procedura da consultaziun dals cumüns

La procedura da consultaziun pro'ls cumüns a regard il plan da svilup da god es actualmaing in vigur. l's tratta principalmaing dals seguaints temas principals chi pertoccan eir il cumün da Zernez: cultivaziun dals urs da god, refacziun da las vias da god in gods da protecziun e la separaziun da pas-ch e god. La suprastanza ha approvà il plan da svilup da god.

Pumpiers Zernez – acquist da duos veiculs

La radunanza cumünala vaiva acceptà in december 2016 il credit per l'acquist da duos veiculs novs pels Pumpiers Zernez. La suprastanza ha acceptà la proposta dal cumond da pumpiers e deliberà il credit per la cumpra d'ün veicul pel salvamaint sün vias ed ün veicul per la grappa da gas. Tuots duos veiculs vegnan furnits da la firma Brändle AG a Sissach. Il Cumün da Zernez po far quint cun üna contribuziun da la sgüranza d'edifizis chantunala (GVG) per l'acquist da tuots duos veiculs. La furniziun dals duos veiculs es previssa per l'on chi vegn.

Tscherna dal post da revisiun extern

Sco post da revisiun extern pel Cumün da Zernez es gnü tschernü da la suprastanza cumünala la Lischana Fiduziari SA a Scuol.

Revisiun da la planisaziun locala

La suprastanza cumünala ha approvà la revisiun parziala da la planisaziun locala Lavin e Brail. Talas vegnan trattadas a la radunanza cumünala dals 12 december 2017.

Deliberaziun dal plan da quartier Heinrich-Filli

Il plan da quartier Heinrich-Filli a Zernez es gnü approvà da la suprastanza cumünala.

Prüma lectüra da la ledscha cumünala da seguondas abitaziuns ed inventar d'edifizis importants

La suprastanza piglia cugnuschentscha dal prüm sböz da la ledscha cumünala da seguondas abitaziuns e dal sböz d'inventar d'edifizis characteristics pel purtret dal Cumün da Zernez. La segunda lectüra ha lö a la prosma sezzüda ordinaria.